

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 14. Januar 2020

Här President,

sou wéi d'Chambersreglement et virgesäit, bieden ech Iech, dës parlamentaresch Fro un d'Madamm Ëmweltministesch an un d'Madamm Banneministesch weiderzeleeden.

Ufank 2012 huet de Naturpark Our mam Banneministère a mam Ministère fir d'Groussregioun eng Konventioun ënnerschriwwen fir d'Schafe vun enger nationaler Fléissgewässerpartnerschaft. Dës Partnerschaft setzt sech an éischer Linn mat de Fléissgewässer auserneen, déi am Anzuchsgebitt vun der Our, der Wolz/Klierf, der Schlänner an der Blees leien. Zil vun dëser Partnerschaft ass d'Verbesserung vun der Waasser- a Liewensraumqualität ronderëm dës Fléissgewässer an d'Vereenegung vun allen Acteuren, déi an deem genannten Anzuchsgebitt d'Fléissgewässer direkt oder indirekt beaflossen.

An deem Kontext hätt ech folgend Froen un d'Regierung:

1. Wat fir eng Resultater huet deen uewe genannte Projet bis elo bruecht?
2. Wat huet de Projet bis elo kascht?
3. Kann d'Regierung eis eng Oplëschtung vun de Measure ginn, déi bis elo am Kader vun deem Projet konkret ëmgesat goufen?
4. Kann de Projet als ofgeschloss ugesi ginn? Wann nee, wat fir eng Measure mussen nach ëmgesat ginn an a wat fir engem zäitleche Kader ka mat der Ëmsetzung vun deene Measure gerechent ginn?

Mat déiwem Respekt,



Jeff Engelen  
Deputéierten